

華陽縣志卷十六

祀典

先民有言會昌建福幸際

隆平彌彰祇肅上丁告虔吉戊尸祝文禮戴匡武禋壯
繆名宦時聞鄉賢代毓孝弟可風忠義足錄鐘鼓
皇皇豆籩穆穆鉅典維昭庇我寧蜀作祀典志

聖廟

歷代褒崇詒畧

魯哀公卽

華陽縣志

卷十六

祀典

孔子舊宅立廟以歲時祀

孔子誅曰尼父蓋以字為諡此與諡之由廟享之始也

漢高帝過魯以太牢祀

孔子平帝追諡成宣尼父

魏文帝改諡文聖尼父初祀

孔子於辟雍以

顏子回配

北魏獻文帝詔郡縣立學以祀

孔子然猶與周公並享周公南面坐

孔子西牖坐至太和乃詔宣尼廟別勅有司享薦此有司廟享之始也

隋文帝詔國子寺每歲四仲月上丁釋奠州縣仲春仲秋釋奠此祭用仲月上丁之始也
唐高祖詔立

孔子專廟太宗又詔天下州縣皆立

孔子專廟贈

孔子爲司寇諡文宣王塑像出內庭袞冕以衣之始正南面之位後又准房元齡之議停祀周公專祀孔顏
華陽縣志 卷十六 祀典 二

孔子爲先聖以

顏子爲先師而

聖廟爲

孔子獨隆之地矣

宋太宗詔文宣廟立戟十六真宗加諡

至聖文宣王用桓圭冕九旒服九章徽宗改執鎮圭冕加十二旒增二十四戟此

聖廟有門之始也

西夏李仁孝又尊

孔子爲文宣帝

元世祖復加封

大成至聖文宣王

明嘉靖九年從張璁議盡罷諸封爵改稱

至聖先師孔子重其道而降其教稱師稱子甚爲允當又

遵洪武十四年制太學撤去塑像改立木主一洗

從前舊習又改

大成殿爲

華陽縣志

卷十六

祀典

三

先師殿

大成門爲

廟門至

國朝順治二年定

聖廟諡號稱

大成至聖文宣先師孔子每歲仲春秋上丁日致祭直省

各府州縣衛一體遵行康熙二十三年

欽頒

御書萬世師表匾額

雍正四年

欽頒

御書生民未有匾額

乾隆三年

欽頒

御書與天地參匾額

嘉慶五年

欽頒

御書聖集大成匾額通行天下摹式懸掛師道歸

華陽縣志

卷十六

祀典

四

五辰補刊

孔子褒稱永定矣至於孔門弟子自漢明帝東巡詣闕里

宅廟祀

孔子則七十二賢已從祀矣漢靈帝畫其像於鴻都門之

學唐元宗畫其像於闕里廟之壁乃詔從祀

聖廟升四科賢者為十哲各贈以公侯伯爵此十哲之

稱弟子廟享之始也迨宋始定位賢儒於兩廡神

宗又以孟子竝配享是為二配度宗又以曾子竝

子思子配享是為四配若夫先儒從祀則始於唐

貞觀然止貞觀以前二十二人宋元明又以歷代

之儒竝增入祀至嘉靖九年釐正祀典有改有罷
或增或黜乃以四配稱先賢某子左邱明子以下
稱先儒某子至

國朝康熙五十一年升周程程張朱邵六子爲先賢
又升朱子於十哲之次康熙五十四年又以范仲
淹從祀雍正二年又將林放蘧瑗秦冉顏何縣亶
鄭康成范甯七子從祀牧皮樂正克公都子萬章
公孫丑諸葛亮尹淳魏了翁黃幹陳淳何基王柏
趙復金履祥許謙陳澹羅欽順蔡清陸龍其十九
人增祀崇儒之典始極矣

華陽縣志

卷十六

祀典

五

崇聖祠

啟聖之祀已久考時祀則始於宋洪邁姚燾之議大中祥
符間始進公而稱王至元稱

啟聖公明嘉靖九年張璵奏請乃立祠於

聖廟稱

啟聖公孔氏以顏曾思孟四聖之父配享稱先賢某氏以
程朱蔡三子之父從配稱先儒某氏萬歷四年又
以周子之父附之

國朝雍正元年追封

孔子五代以五世祖為

肇聖王高祖為

裕聖王曾祖為

貽聖王祖為

呂聖王父為

啟聖王改啟聖祠為崇聖祠一殿名龕五代合祭雍正二

年又將張子載之父張迪補入崇聖祠從祀錫類

之典益廣竝於學宮建名宦鄉賢忠孝節義祠又

華陽縣志

卷十六

祀典

六

乾隆三年升有若於十哲移朱熹西哲末復以吳

澄從祀六年頒定先賢先儒從祀位次每歲仲春

仲秋致祭祀典光昭永為萬世法矣

位次

至聖先師孔子木主位正中南向

東配二位

復聖顏子

名回字子淵
魯人邾國後

述聖子思子

名伋字
子思

西配二位

宗聖曾子

名參字子輿魯武城人鄒國後

亞聖孟子

名軻字子輿鄒人魯公族孟孫氏後

東哲六位

先賢閔子

名損字子騫魯人

先賢冉子

名雍字仲弓魯人伯牛之族

先賢端木子

名賜字子貢衛人

先賢仲子

名由字子路魯之卞人

先賢卜子

名商字子夏衛人

先賢有子

名若家語字子有史記字子若魯人乾隆三年升

華陽縣志

卷十六

祀典

七

西哲六位

先賢冉子

名耕字伯牛魯人

先賢宰子

名子字子我魯人

先賢冉子

名求字子有仲弓之族

先賢言子

名偃字子游吳人

先賢顓孫子

名師字子張

先賢朱子

名熹字元晦號晦菴諡文潏源人康熙五十一年升

兩廡 乾隆十八年奉部咨序正兩廡從祀位次

共一百三十八位

東廡先賢三十九位

先賢蘧瑗 字伯玉明以孔子嚴敬改祀今以孔子大聖食於堂上瑗大賢坐於兩廡亦理之所

安復祀

先賢澹臺滅明 字子羽魯武城人

先賢原憲 字子思魯人檀弓作仲憲為夫子宰

先賢南宮适 字子容一作緇魯孟懿子之兄居南宮因姓諡敬叔

先賢商瞿 字子木魯人

先賢漆雕開 字子若一作憑字子開蔡人鄭元曰魯人

先賢司馬耕 字伯牛宋人家語作司馬黎耕與史記俱字子牛

華陽縣志

卷十六

祀典

八

先賢梁鱣 字子魚史記注作鯉字叔魚齊人

先賢冉孺 字子魯一作曾家語作子思魯人

先賢伯虔 家語字楷一作子析弟子解作子楷史記作子析魯人

先賢冉季 字子產魯人

先賢漆雕徒父 字子有家語作漆雕從字子文一作子期魯人

先賢漆雕哆 字子歛家語作漆雕侈魯人

先賢公西赤 字子華魯人

先賢任不齊 字子選楚人

先賢公良孺 家語名儒史記名孺字子止一作子幼陳人

先賢公肩定

家語字子仲史記作公堅走字子中魯人或曰晉人

先賢鄒單

史記有鄒單字子象無鄒單疑作一人徐廣作鄒善

先賢罕父黑

史記字子黑魯人氏族畧亦止有宰父黑

先賢榮旂

史記字子旗家語作榮旂魯人

先賢左人郢

史記字子行家語作左郢字子行魯人

先賢鄭國

家語作薛邦字徒魯人史記避漢高祖諱以邦為國鄭字疑薛字之誤

先賢原亢

字子亢家語作元亢字子籍史記作原亢字籍正義亢作亢魯人

先賢廉潔

史記字庸家語字子庸一作子曹衛人古史作齊人

先賢叔仲會

字子期文翁圖作檜家語魯人鄭元云晉人

華陽縣志

卷十六

九

先賢公西與如

字子上魯人史記作公西與

先賢邾選

家語作邾選字子飲史記訛邾為邾字子歛文翁圖避諱以邾為國作國選魯人

先賢陳亢

字子亢一字子禽陳人

先賢琴張

一名宰家語字子開文翁圖字子張衛人

先賢步叔乘

字子車齊人

先賢秦非

字子之魯人

先賢顏噲

字子聲魯人

先賢顏何

字冉魯人明以家語不載罷祀今以家訓及顏高贊俱稱顏氏八賢去何止七人矣

復祀

先賢縣置明以史記不載又疑與鄒單是一人罷祀今以當時原無確據仍為二人復祀

先賢樂正克孟子弟子好善當在弟子之列增祀其為人好善當在弟子之列增祀

先賢萬章孟子弟子史記稱孟子所如不合退與萬章之徒序詩書述仲尼之意增祀

先賢周敦頤字茂叔世居道州榮道縣濂溪學者稱濂溪先生諡元

先賢程顥字伯淳宋河南洛陽人文彥博題其墓曰明道先生諡純

先賢邵雍字堯夫宋范陽人諡康節

東廡先儒二十三位

先儒穀梁赤尸子作倣顏師古作喜字元始魯人生周末

先儒伏勝字子賤鄒平人生秦漢間習書經秦焚書時獨壁藏之

華陽縣志 卷十六 十

先儒后蒼字近君漢東海剡人修明禮經嘉靖時考求古禮以為定禮之宗從祀

先儒董仲舒廣川人武帝時以賢良對策

先儒杜子春河南緱氏人生漢哀平間

先儒范甯字武子晉鄆陵人南昌太守興學造士著春秋穀梁集解詞意精詳有功聖道復祀

先儒韓愈字退之唐修武人封昌黎伯諡文

先儒范仲淹字希文宋吳縣人封汝南公諡文正

先儒胡瑗字翼之宋海陵人為湖州教授又召為國學直講學者稱安定先生諡文昭

先儒楊時字中立宋將樂人學者稱龜山先生

先儒羅從彥字仲素宋南劍州人學者稱豫章先生諡文質

先儒李侗 字愿中宋延平人朱子受其河洛之業

先儒張栻 字敬夫宋緜竹人忠獻公

先儒黃幹 字直卿號勉齋宋閩人朱子壻授以所著書曰吾道託在此金華四子遞衍其傳正

學賴以不絕

先儒真德秀 字景元一字希元宋浦城人寶元進士

忠

先儒何基 宋金華人黃幹弟子得淵源之旨學本直實所著學庸解釋書大傳易啟蒙皆以發

揮為主

先儒趙復 元初名儒德安人所著傳道圖伊洛圖希賢錄北方知有程朱實學自復始

華陽縣志

卷十六

祀典

十一

壬辰補刊

先儒吳澄 字幼清號草廬崇仁人嘉靖九年以忘宋事元黜今考澄著述五經四子各有詮記

而學基學統及矯輕警惰等篇於紫陽書實多發明乾隆三年從尚書甘汝來請復祀

先儒許謙 號白雲先生金履祥弟子讀書窮探深微其詩文扶翼經義綱維世教著四書叢說

等書增祀

先儒王守仁 字伯安明餘姚人讀書陽明洞封新建伯諡文成世稱陽明先生

先儒薛瑄 字德温明河津人學者稱敬軒先生諡文清

先儒羅欽順 字允昇明太和人以實行教士著困知記周程緒言至今不墜皆其力也增祀

先儒陸隴其 字稼書平湖人力任斯道精研程朱子學端方孝友以德化民增祀

西廡先賢三十八位

先賢林放 魯人明以家語不在弟子列改祀今以問禮之本親炙聖人休光即非弟子亦理所

安復祀

先賢宓不齊 字子賤魯人為單父宰

先賢公冶長 字子長家語作萇魯人史記齊人范甯云字子芝

先賢公析哀 字季沈齊人史記作公皙哀字季次索隱作公析克

先賢樊須 字子遲仕於季氏家語魯人鄭元云齊人

先賢高柴 字子羔家語齊人史記衛人仕衛為士師

先賢商澤 家語字子秀史記作子季魯人

先賢巫馬施 字子旗為單父宰字子期陳人史記

華陽縣志

卷十六

祀典

三

王辰補刊

先賢顏辛 字子柳魯人史記作顏辛

先賢曹卹 字子循蔡人

先賢公孫龍 家語作公孫龍衛人鄭元云楚人孟云趙人字子石

先賢秦商 字子丕家語字丕茲魯人鄭元云楚人

先賢顏高 字子驕家語作顏客魯人

先賢穰駟赤 家語字子從秦人史記穰作壤字子徒

先賢石作蜀 字子明家語作石子蜀秦人

先賢公夏首 字子乘家語首作守字乘魯人

先賢后處 史記字子里家語作石處字堅之齊人

先賢奚容蒧家語字子偕史記子皙文翁圖魯人正義衛人氏族大全奚仲之後

先賢顏祖字襄家語作相又名相字子襄魯人

先賢句井疆字子疆史記作句井正義作勾井衛人闕里志字子野山東志字子孟

先賢秦祖字子南魯人鄭元云秦人

先賢縣成字子祺家語字子橫魯人

先賢句茲家語作公祖茲字子之魯人

先賢燕級字思家語名級字子思史記作伋秦人

先賢樂欬史記字子聲家語名欣秦人

先賢狄黑家語字皙之一作子皙史記字皙魯人

華陽縣志

卷十六

祀典

十三

先賢孔忠字子茂家語作孔弗史記作孔子兄孟皮之子

先賢公西蒧字子尙史記作子尙魯人

先賢顏之僕家語字子叔史記字叔魯人

先賢施之常字子常史記字子恆魯人

先賢申枏家語申績字子周史記作申黨字周文翁圖作堂後漢碑作棠鄭元云卽申績績黨

一堂棠皆一人也

先賢左邱明中都人授經圖曰魯人楚左史倚相之後

先賢秦冉字開蔡人明疑史記誤書罷祀今以史記列傳旣著其姓復標其字是必實有其人

復祀

先賢牧皮

孟子趙岐註牧皮與琴張曾皙皆事孔子牧皮為聖門高弟無疑增祀

先賢公都子

孟子弟子研性善之理闢義外之說增祀

先賢公孫丑

丑記其弟子趙岐注孟子既沒萬章公孫丑記其所言有功於孔孟之道增祀

先賢張載

字子厚居郾縣橫渠稱橫渠先生諡明

先賢程頤

字正叔稱伊川先生諡正

西廡先儒二十三位

先儒公羊高

齊人周未

先儒孔安國

字子國孔子十一世孫漢武帝時

先儒毛萇

趙人善說詩世謂毛亨為大毛公萇為小毛公生漢武帝時

華陽縣志

卷十六

祀典

古

先儒高堂生

索隱字伯魯索隱字伯魯人生漢初

先儒鄭元

字康成東漢高密人註經論禮百餘萬言括囊大典網羅百家出處進退衷於道復

祀

先儒諸葛亮

蜀漢瑯琊人居心仁恕開誠布公知出處大節明君臣大義純乎天理合乎聖

道增祀

先儒王通

字仲淹隋龍門人諡曰文中子

先儒司馬光

字君實宋夏縣人封溫國公諡文正

先儒歐陽修

字永叔宋廬陵人諡文忠

先儒胡安國

字康侯宋崇安人諡文定

先儒尹惇字彥明宋涪陽人伊川弟子學窮根本德備中和質直宏毅著論語解賜和質處士

增祀

先儒呂祖謙字伯恭其先萊人遷婺州諡成改忠亮墓題東萊先生

先儒蔡沈字仲默宋建陽人隱居九峯山世號九峯先生

先儒陸九淵字子靜宋金谿人學者稱象山先生諡文

先儒陳淳字安卿號北溪宋龍溪人朱子嘗云吾道喜得陳淳增祀

先儒魏了翁字華甫宋邛州人當南宋邪說簧鼓能維持正學著九經等書於聖道大有發

明增祀

先儒王柏號魯齋宋金華人何基弟子點校四書經史推明河洛九疇著經書衍義闡發濂洛

華陽縣志

卷十六

祀典

五

淵源增祀

先儒許衡字仲平元河內人學者稱魯齋先生諡文正

先儒金履祥字吉夫號仁山元蘭溪人何基弟子著大學章句疏義論孟集註多先儒未發

之義增祀

先儒陳澔字可大元南康人博學好古所著禮記集註明列其書於學宮士子遵奉稱雲柱先

生增祀

先儒陳獻章字公甫明新會人隱白沙學者稱白沙先生

先儒胡居仁字淑心明餘干人稱敬齋先生

先儒蔡清字介夫號虛齋明晉江人學以靜虛為主躬砥行不愧衾影著有易經理解及四

書蒙引行
世增祀

禮器

祝版一

登一

鉶八

簠五十六

簋五十六

籩二百六

豆二百六

筐十八

尊五

爵一百六十三

龍勺五

牲匣三

樂器

麾一

金鐘十六

玉磬十六

搏拊二

祝一

敔一

琴六

瑟四

簫六

笛六

鳳簫二

笙六

塤二

篪二

楹鼓一

華陽縣志

卷十六

祀典

夫

壬辰補刊

應鼓一

田鼓一

舞器

節二

羽三十六
籥三十六

正位祭品

帛一 白色

牛一

羊一

豕一

登一

鉶二

簠二

簋二

籩八

豆八

東配祭品

帛一 白色

豕一

羊一

鉶一

簠二

籩六

豆六

爵三

西配祭品與東配同

東哲祭品

帛一 白色 豕一 鉶一 簠一 簋一

籩四 豆四 每位爵一

西哲祭品與東哲同

東廡祭品 共一案十五壇

帛一 豕一 簠一 簋一 籩四

豆四 每位爵一

西廡祭品與東廡同

造饌

太羹 和羹 黍 稷 稻 粱 形鹽

臛魚 鹿脯 鹿醢 醢醢 魚醢 兔醢 韭

菹 菁菹 芹菹 笋菹 棗 栗 榛

菱 芡 酒 牛 羊 豕俱用牡色尚純

儀注

先期致齋二日各宿別室前一日同宿祭所不飲酒不食葱蒜不弔喪問疾不聽樂不理刑不判署刑殺文字不預穢事致齋惟專祭事

祭前一日行省牲禮主祭官率僚屬至明倫堂觀
演樂習舞畢引贊引獻官穿補服詣省牲所唱曰
就位至香案前立獻爵奠酒三揖唱曰省牲率牲
過案唱曰禮畢率牲用小碟盛毛血執事生捧送
各神座前供奉餘毛血埋淨上
主祭官率僚屬至

先師廟丹墀各一揖退

祭日雞初鳴將牲饌樂器燭爐陳設整齊主祭官
率僚屬等至更衣所通贊贊曰簽祝版引贊唱曰

更衣官穿朝服
生穿襴衫曰升堂從東
階上曰序爵曰序事各生
執事

華陽縣志

卷十六

六

曰請祝請祝
版至曰簽名各官
書名曰下堂從西
階下通贊贊曰

啟戶司戶生將
各門大開曰樂舞生就位曰執事者各司其

事諸生各
執其事曰正獻官就位分獻官各就位文東
武西通

贊贊曰瘞毛血司毛血生將
門出至西北隅埋於坎內敬牲
饌

蓋執事將牲饌
俎盤蓋啟開曰迎神 樂作引贊引各官唱曰

詣西北隅迎神衆官
皆至衆官打躬通贊贊曰參神樂

奏咸平之章 鳴贊曰跪衆官皆三跪九叩首興

樂止 初獻通贊贊曰行奠帛初獻禮樂奏寧平

之章 引贊引主祭官唱曰詣盥洗所洗手淨巾

詣酒尊所司尊者舉冪酌酒執事取酒執爵由正階上中門入置神位

前引贊唱曰詣

至聖先師孔子神位前跪上香進帛奠帛進爵獻爵俯伏

興平身唱曰詣讀祝位跪鳴贊曰衆官皆跪引贊

曰讀祝文俯伏興平身鳴贊曰衆官皆興平身

引贊引主祭官唱曰詣

復聖顏子神位前跪上香進帛奠帛進爵獻爵俯伏

興平身 唱詣

宗聖曾子神位前跪上香進帛奠帛進爵獻爵俯伏

華陽縣志 卷十六 祀典 九 壬辰補刊

興平身 唱詣

述聖子思子神位前跪上香進帛奠帛進爵獻爵俯

伏興平身 唱詣

亞聖孟子神位前跪上香進帛奠帛進爵獻爵俯伏

興平身 復位通贊贊曰行分獻禮引贊引某官

詣東西哲神位前引某官詣東西廡神位前俱宜盥洗

跪上香獻帛獻爵俯伏興皆復位 亞獻通贊贊

曰行亞獻禮樂奏安平之章引贊引主祭官詣酒

尊所取酒唱詣

至聖先師孔子神位前跪餘與初獻同 終獻樂奏景平

之章餘與初獻同各復位 引贊引主祭官詣福飲

受位跪鳴贊曰衆官皆跪引贊唱曰飲福酒執事取正

中一爵從右遞與主祭官飲 唱受福胙執事取先師

訖將爵從左邊遞與執事 位前半膊盛木盤從右遞與主祭官受之遞俯伏

左邊執事由中門出正階下送至主祭官署

興平身謝福胙各官俱行三叩首禮興復位通贊

贊曰徹饌樂奏咸平之章各官俱行三跪九叩首

禮 引贊引衆官送神至戟門唱曰詣送神所曰

衆官打躬 通贊贊曰望燎讀祝者捧祝執帛者

華陽縣志 卷十六 祀典 三 壬辰補刊

捧帛各詣燎所帛祝俱由中門引贊引衆官唱曰詣望燎

位舉柴焚祝帛將祝文揭下并帛俱焚於火內埋於坎下曰復位樂止

通贊贊曰闔戶 鳴贊唱曰禮畢退班

祭文 維

先師德隆千古道冠百王揭日月以常行自生民所未有

屬文教昌明之會正禮節樂和之時辟雍鐘鼓咸

恪薦於馨香泮水膠庠益致嚴於籩豆茲當仲春秋

祇率彝章肅展微忱聿將祀典配以復聖顏子宗

聖曾子述聖子思子亞聖孟子尚饗

欽定樂章

春秋夾鍾為宮倍應鍾起調

迎神 咸平

大 儀 哉 仇 孔 仇 子 伍

先 仇 覺 仇 先 伍 知 仇

與 仇 天 仇 地 仇 參 伍

萬 仇 世 仇 之 伍 師 伍

祥 伍 徵 仇 麟 仇 紱 仇

韻 仇 答 仇 金 仇 絲 伍

日 仇 月 仇 既 仇 揭 伍

乾 仇 坤 仇 清 仇 夷 仇

初獻 寧平

華陽縣志

卷十六

禮典

三

予 仇 懷 仇 民 仇 德 伍

玉 仇 振 仇 金 仇 聲 伍

生 仇 民 仇 未 仇 有 伍

展 仇 也 仇 大 仇 成 伍

俎 伍 豆 仇 千 仇 古 伍

春 仇 秋 仇 上 仇 丁 伍

清 仇 酒 仇 既 仇 載 伍

其 仇 香 仇 始 仇 升 伍

亞獻 安平

式 仇 禮 仇 莫 仇 愆 伍

升 仇 堂 伍 再 仇 獻 伍

響 仇 協 伍 鼗 仇 鏞 伍

誠 伍 孚 仇 壘 伍 甌 伍

肅 伍 肅 伍 雍 伍 雍 伍

譽 仇 髦 仇 斯 伍 彥 伍

禮 仇 陶 伍 樂 仇 淑 伍

相 伍 觀 伍 而 仇 善 伍

終獻 景平

自伏古伏在伍昔伏

先仕民伍有伏作伏

皮伍弁仕祭伏菜伏

於仕論伍斯伏樂伏

惟伍天仕牖伏民伍

惟伏聖仕時伏若伏

羹伍倫伍攸仕敘伏

至仕今伍木伏鐸伏

徹饌 咸平

先伏師伏有伏言伍

祭伏則仕受伏福伍

四伏海伏鬻伍宮仕

疇伏敢伏不伏肅伏

禮伍成仕告伏徹伍

毋伏疏伏毋伏瀆伏

華陽縣志

卷十六

祀典

三

樂伍所仕百伏生伏

中伍原伏有伏菽伏

送神 咸平

鳧伏繹伏峩伏峩伍

洙仕泗伏洋伏洋伏

景仕行伍行伍止仕

流伏澤伏無伍疆伏

聿伍昭仕祀伏事伏

祀伏事伍孔伏明伏

化伏我伍蒸伏民仕

育伏我伏膠伏庠伏

秋祭南呂為宮仲呂起調

迎神 咸平

大伏哉伏孔仕子伏

先伏覺伏先伏知仕

與化天化地化參化

萬化世化之化師化

祥化徵化麟化紱化

韻化答化金化絲化

日化月化既化揭化

乾化坤化清化夷化

初獻 寧平

予化懷化民化德化

玉化振化金化聲化

生化民化未化有化

展化也化大化成化

俎化豆化千化古化

春化秋化上化丁化

清化酒化既化載化

其化香化始化升化

亞獻 安平

華陽縣志

卷十六

祀典

三

式化禮化莫化愆化

升化堂化再化獻化

響化協化鼗化鑪化

誠化孚化壘化獻化

肅化肅化雍化雍化

譽化髦化斯化彥化

禮化陶化樂化淑化

相化觀化而化善化

終獻 景平

自化古化在化昔化

先化民化有化作化

皮化弁化祭化菜化

於化論化斯化樂化

惟化天化牖化民化

惟化聖化時化若化

彝化論化攸化敘化

至化今化木化鐸化

徹饌 咸平

先伏師伏有仕言伏

祭伏則伏受伏福伏

四化海伏鬣伏宮伏

疇化敢仕不化肅伏

禮伏成伏告伏徹伏

毋伏疏仕毋伏瀆伏

樂伏所伏自化生伏

中伏原仕有化菽伏

送神 咸平

鳧伏繹化峩仕峩伏

洙伏泗化洋化洋仕

景伏行伏行伏止伏

流伏澤仕無伏疆仕

聿伏昭伏祀伏事伏

祀伏事伏孔化明仕

華陽縣志

卷十六

祀典

五

化伏我伏蒸伏民伏

育化我仕膠化庠伏

崇聖祠 同日先祭主祭官行二跪六叩禮餘儀同無

樂舞

正面五位

始祖肇聖王

高祖裕聖王

曾祖昌聖王

祖昌聖王

父啟聖王

東西配享四位

先賢顏氏

名無繇字路家語顏繇字季路顏子回之父

先賢曾氏

名點字皙家語字子皙史記作曾蒧曾子參之父

先賢孔氏

名鯉字伯魚子思子伋之父

先賢孟氏

名激公宜魯公族孟子軻之父

東西從祀五位

先儒周氏

名輔成周子敦頤之父

先儒程氏

名珦字伯溫贈永年伯二程子顥頤之父

先儒蔡氏

名元定字季通隱居西山諡文節世稱西山先生蔡子沈之父

華陽縣志

卷十六

祀典

五

壬辰補刊

先儒張氏

名迪宋神宗時出知涪州立身端節居官廉直貧不能歸葬於鄮張子載之父增祀

先儒朱氏

名松字喬年歷吏部司勳郎出知饒州至元追諡靖獻朱子熹之父

祭品

帛五色

白羊一

豕一

鉶二

簋二

籩六

每位爵一

配位

帛二

白豕一

簋二

簋二

籩六

豆六

每位爵一

兩廡

帛二色白豕一 簋二 籩二 盞六 豆六
每位爵一

祭文

維 王奕葉鍾祥光開聖緒盛德之後積久彌昌
凡聲教所覃敷率循源而溯本宜肅明禋之典用
申守土之忱茲屆仲春秋聿修祀典配以先賢顏氏
先賢曾氏先賢孔氏先賢孟氏尚饗

武廟 祭儀與 聖廟同但無樂舞

祭文

華陽縣志

卷十六

祀典

三

壬辰補刊

維 帝浩氣凌霄丹心貫日扶正統而彰信義威
震九州完大節以篤忠貞名高三國神明如在徧
祠宇於寰區靈應丕昭薦馨香於歷代屢徵異蹟
顯佑羣生恭直佳辰遵行祀典筵陳籩豆式奠牲
醪尚饗

後殿 祭儀與 崇聖祠同

祭文

維 公世澤詒庥靈源積慶德能昌後篤生神武
之英善則歸親宜厚尊崇之報列上公之封爵

賜命攸隆合三世以肇禋典章明備恭逢諏吉祇事薦馨尙饗

文昌廟 嘉慶六年欽奉

上諭仿照 關帝廟定制列入祀典春秋致祭以二月

初三日 聖誕日為春祭秋祭另行擇吉由欽天

監選彙入祀典

祭文

維 神蹟著西垣樞環北極六匡麗曜協昌運之

光華累代垂靈為人文之主宰扶正久彰夫感召

華陽縣志

卷十六

祀典

三

薦馨宜致其尊崇茲屆仲春用昭時祀尙其歆格

鑒此精虔

後殿 祀 帝君三代遇祭期照 關帝廟後殿

祀典致祭

祭文

祭引先河之義禮崇反本之思矧夫世德彌光延

賞斯及祥鍾累代炯列宿之精靈化被千秋偉人

文之主宰是尊後殿用答前庥茲值仲春肅將時

祀用申告潔 神其格歆

昭烈帝廟 每歲春秋致祭

祭文

惟 帝中山世胄涿水鍾英拓土建邦志豈甘於
三足鼎繼高紹武業克復夫五銖錢君明臣良曠
千載而閔宮同祀春霜秋露歷百世而俎豆彌光
薄奠蘋蘩聊申祈報仰邀靈貺上格穹霄

武侯祠 嘉慶二十年題准春秋致祭

祭文

惟 神仁覆全川名垂八陣定三分於三顧赤伏

華陽縣志

卷十六

祀典

三

王辰補刊

重興協一德於一心白帝受託星隕五丈天不祚
劉廟祀千秋福還庇蜀人民欽仰巴夔瞻依用肅
寅恭爰諏吉旦自此慶雲瑞露鞏

盛世之金甌時和年豐佑蒼生於玉壘仰邀靈貺上
格重霄

江瀆廟 每歲春秋致祭 儀注與 社稷同

祭品

牛一 羊一 豕一 籩十 豆十 簋二

簋二

祭文

維康熙六年歲次丁未八月癸酉朔越十七日己丑

皇帝遣吏部左侍郎梁清寬致祭於

江瀆之神曰惟 神岷山維導百谷是王浩瀚朝宗靈

長潤物朕躬親政務祇荷 神庥特遣專官用巾

殷薦惟 神鑒焉

維康熙二十一年歲次壬戌四月戊寅朔越十七

日甲午

華陽縣志

卷十六

祀典

五

皇帝遣內閣學士侍讀加五級翁英致祭於

江瀆之神曰惟 神漸濡九域綱紀衆流義篤朝宗功

深利濟朕祇承 神佑疆宇蕩平特遣專官用巾

殷薦 神其鑒焉

維康熙二十四年歲次乙丑正月辛酉朔越十七

日丁丑

皇帝遣經筵講官內閣學士兼禮部侍郎加一級食二品

俸教習庶吉士牛鈕致祭於

江瀆之神曰惟 神岷山導脈湘漢滙流吐納百川利

濟萬品朕祇承 神佑稽古省方特遣專官用申
殷薦 神其鑒之

維康熙二十七年歲次戊辰十二月庚子朔越十
七日丙辰

皇帝遣鑾儀衛鑾儀使葉克舒致祭於

江瀆之神曰惟 神岷山導脈湘漢會流吐納百川永
作南紀朕纘承

祖宗丕基虔恭明祀茲以

皇祖妣孝莊仁宣誠憲恭懿翊天啟聖文皇后神主升祔

華陽縣志

卷十六

祀典

辛

太廟禮成特遣專官用申秩祭惟

神鑒焉

維康熙三十五年歲次丙子正月戊午朔越二十
七日甲申

皇帝遣經筵講官戶部左侍郎王士正致祭於

江瀆之神曰惟 神肇迹岷山經流蜀地百川灌注九
道朝宗朕勤恤民依永期殷阜邇年以來郡縣水
旱閒告年穀歉登蚤夜孜孜深爲軫念用是專官
秩祀爲民祈福冀雨暘之時若庶稼穡之屢豐惟
神鑒焉

維康熙三十六年歲次丁丑八月戊申朔越三日
庚戌

皇帝遣都察院左都御史張鵬翮致祭於

江瀆之神曰惟 神一源浩演九派分流德擅靈長功

深利濟朕以勦缺狡寇三履遐荒期掃邊塵乂安

中外今者祇承 神佑塞北永清用告成功專官

秩祀惟 神鑒焉

維康熙四十二年歲次癸未四月丙子朔越初十
口乙酉

華陽縣志

卷十六

祀典

三

皇帝遣翰林院侍讀學士余志貞致祭於

江瀆之神曰惟 神岷山發源南國作紀派分九道量
納衆流朕祇承

休命統馭寰區夙夜勤求殫思上理歷茲四十餘載今
者適屆五旬海宇昇平民生樂業見輿情之愛戴
沛下土之恩膏特遣專官虔申秩祀尙憑靈貺益
錫蕃禧佑我國家共登仁壽 神其鑒焉

維康熙五十二年歲次癸巳閏五月初一日丁未
朔越二十六日壬申

皇帝遣內閣侍讀學士查弼納致祭於

江濱之神曰惟 神岷山導源南國作紀百川竝納九

派同歸朕纘受鴻圖撫臨區宇殫思上理夙夜勤
求惟日孜孜不遑暇逸茲御極五十餘年適當六
旬初屆所幸四方寧謐百姓乂和稼穡歲登風雨
時若維庶徵之協應爰羣祀之虔修特遣專官式
循舊典冀益贊雍熙之運尙永貽仁壽之休俯鑒
精忱用垂歆格

維康熙五十八年歲次己亥己巳月癸卯朔越四

華陽縣志

卷十六

祀典

三

日丙午

皇帝遣翰林侍讀陳世倌致祭於

江濱之神曰惟 神井絡經天岷源赴海百川竝納萬

品資生朕纘承

祖宗丕基虔恭明祀茲以

皇妣孝惠仁憲端懿純德順天翼聖章皇后神主升祔

太廟禮成特遣專官用巾秩祭惟 神鑒焉

維雍正元年歲次癸卯二月辛亥朔越二十七日

丁巳

皇帝遣內閣學士田文鏡致祭於

江瀆之神曰惟 神岷山導源南國作紀百川竝納九
派同歸朕纘受丕基新承景命竊念

皇考膺圖以來百靈効順四海從風坐享昇平六十餘載
茲當嗣位之始宜隆享祀之儀特遣專官虔申昭
告惟冀時和歲稔物阜民安淳風徧洽乎寰區厚
德長敷於率土尙其歆格鑒此精誠

維雍正三年歲次乙巳四月戊辰朔越二十八日
乙未

華陽縣志

卷十六

祀典

三

壬辰補刊

皇帝遣四川巡撫王景灝致祭於

江瀆之神曰惟 神肇源岷山作紀南國百川吐納九
派朝宗朕撫馭寰區考稽典禮將祈福以庇民宜
加封而致祭爰命所司崇 神封號曰

南瀆涵和大江之神所冀波瀾永息蒸黎獲利濟之安
風雨以時稼穡享屢豐之慶 神其昭鑒來饗苾
芬

維乾隆元年歲次丙辰二月乙丑之朔

皇帝遣日講起居注官翰林院侍講學士楊椿致祭於

江瀆之神曰惟 神源開岷蜀流亘荆揚名著朝宗綱
維南國朕纘承大統仰紹前徽伏念

皇考臨御以來敬禮 明神肅將禋祀靈祇孚應昭受鴻

庥清晏奠安茂登上理茲當嗣位之始宜隆望秩
之儀特遣專官虔申告祭惟冀雨暘時若年穀順
成萬方蒙樂育之休兆姓荷帡幪之德尙其歆格
鑒此精誠

維乾隆十三年歲次戊辰

皇帝遣四川巡撫紀山致祭於

華陽縣志

卷十六

祀典

三

五

江瀆之神曰惟 神長茲四瀆納彼百川九派攸分羣
生利濟朕祇承默佑稽古時巡爰遣專官用申殷
薦 神其鑒焉

維乾隆十四年歲次己巳七月壬申朔越祭日戊
辰

皇帝遣日講官起居注翰林院侍讀學士文保致祭於

江瀆之神曰惟 神岷嶽分源潯陽衍派周流潤化水
德靈長茲以邊徼敕寧中宮攝位

慈寧晉號慶洽 神人敬遣專官用申殷薦 神其鑒焉

維乾隆十五年歲次庚午十一月庚子朔越四日
甲辰

皇帝遣內閣侍讀學士額爾登布致祭於

江瀆之神曰惟 神岷嶸分源潯陽衍派周流潤化水

德靈長茲以

正位中宮鴻儀懋舉

茲寧晉號慶洽 神人敬遣專官用申殷薦 神其鑒焉

維乾隆十七年歲次壬申二月癸巳朔越二十八

日庚申

華陽縣志

卷十六

祀典

三

壬辰補刊

皇帝遣翰林院侍讀學士周長發致祭於

江瀆之神曰惟 神岷嶸分源潯陽衍派周流潤化水

德靈長茲以

茲寧萬壽懋舉鴻儀敬晉

徽稱神人慶洽爰申殷薦特遣專官 神其鑒焉

維乾隆二十五年歲次庚辰二月丙子朔越七日

癸未

皇帝遣尙書房行走內閣侍讀學士兼佐領世襲恩騎尉

瑪璘致祭於

江瀆之神曰惟 神曜躔井絡派出岷山滄淪括漢泗
之區潤澤遍東南之域海門潮起奔流常見朝宗
天聖治平亘古尤稱循軌茲以蕩平四部綏靖諸
蕃告功而中外騰歡將禮而人神其慶緬靈祇之
効順永翊金甌考祀典以申禋用陳丹俎寅清載
飭鑒格惟歆

維乾隆二十七年歲次壬申三月甲午朔越二十
七日庚申

皇帝遣宗人府府丞儲麟趾致祭於

華陽縣志

卷十六

祀典

三

壬辰補刊

江瀆之神曰惟 神東井輸靈南國分紀發源崑崙之
遠總括漢泗之區流赴海門信二時之潮汐形標
天塹固千里之金湯茲以

慈闈萬壽懋舉鴻儀敬晉

徽稱神人慶洽仰靈祇之利濟 神貺永昭考彝典以抒

誠明禋特肅虔申寅奠用報淇麻

維乾隆三十七年歲次壬辰二月丙寅朔越祭日
丁亥

皇帝遣宗人府府丞李友棠致祭於

江瀆之神曰惟 神炳靈東井作紀南條始蜀道以雙
源分潯陽而九派海門遠注滙衆水之來朝天塹
遐開表名區之巨浸茲以

慈闈萬壽懋舉鴻儀敬晉

徽稱神人慶洽仰靈祇之利濟澤沛荆揚稽彝典以明禋
誠通俎豆寅清載飭鑿格永昭

維乾隆四十一年歲次丙申八月庚子朔越二十
五日甲子

皇帝遣內閣學士塘古泰致祭於

華陽縣志

卷十六

祀典

三

壬辰補刊

江瀆之神曰惟 神德擅靈長功宣水利自岷山爲導
引望渤海以朝宗茲以玉壘揚休金川底績錦城
春滿羣歌効順於雙流赤岸波恬永慶延寧於寰
海敬申清酌冀鑒虔忱

維乾隆四十五年歲次庚子四月己酉朔越二十
二日庚午

皇帝遣內閣學士錢載致祭於

江瀆之神曰惟 神井絡儲精岷山衍澤引雙流而縈
九派德著靈長冠四濱而納百川量昭翕受表荆

吳之襟帶利濟長昭通潮汐之委輸安瀾久奏茲
以朕七旬展慶九有臚歡懋舉崇儀特申昭告溯
朝宗於東澥永懷奠麗之功資宣導於南條宜備
精禋之祀 神其來格鑒此維馨
維乾隆五十年歲次乙巳四月庚辰朔越二十二
日辛丑宜祀之辰

皇帝遣署理內閣學士胡高望致祭於

江瀆之神曰惟 神井絡儲精岷山衍澤引雙流而降

九派德著靈長冠四瀆而納百川量昭翕受表荆

華陽縣志

卷十六

祀典

三

壬辰補刊

吳之襟帶利濟長貽通潮汐之委輸安瀾久奏茲
當鴻圖錫羨鳳紀增繇懋舉鴻儀特申昭告溯朝
宗於東澥永懷奠麗之功資宣導於南條宜備精
禋之祀 神其來格鑒此維馨

維乾隆五十五年歲次庚戌五月朔越一日

皇帝遣內閣學士依蘭泰致祭於

江瀆之神曰惟 神原委同河朝宗納漢溯遙流於藏

徼經途及萬里而遙導近派於岷山赴壑實百川
之長茲以朕八旬展慶萬國臚歡懋舉崇儀特申

昭告冀安瀾之永順靈長作紀南條仰利濟之宏
施光曜恒垂東井尙祈鑒格式展明禋

維嘉慶元年歲次丙辰三月壬辰朔越初六壬子
日

皇帝遣成都副都統佛住致祭於

江瀆之神曰惟 神原委竝河朝宗納漢溯遙流於藏

徼經途及萬里而遙導近派於岷山赴壑實百川
之長茲以乾隆週甲嘉慶紀元懋舉崇儀特申昭
告冀安瀾之效順靈長作紀南條仰利濟之施功

華陽縣志

卷十六

祀典

三

辰補刊

光曜恒垂東井尙祈鑒格式展明禋

維嘉慶五年歲次庚申辛巳月癸未朔越祭日甲
午

皇帝遣戶部右侍郎周興岱致祭於

江瀆之神曰惟 神井絡凝精岷山衍慶朝宗九派源

始導於雙流善下百川秩首等於四瀆坤維締互
表天塹於東南水德靈長應月弦於潮汐朕寅承
洪典懋舉崇儀茲以嘉慶四年十一月二十六日
奉

高祖法天隆運至誠先覺體元立極敷文奮武孝慈神聖
純皇帝主配享

園邱禮成特遣專官虔申昭告惟冀安瀾永慶明都昭訛
化之功潤物滋豐澤國沃肥仁之性欽茲南紀濟
彼羣生

維嘉慶八年歲次癸亥十一月朔越十九日

皇帝遣太子少保兵部尚書兼都察院右都御史四川
總督一等威勤伯勒保致祭於

江瀆之神曰惟神南條喻吸東海朝宗繞梁荆揚貫

華陽縣志

卷十六

祀典

卑

玉辰補刊

三州之遠長淮河漢居四瀆之尊茲以洗甲揚休
安瀾永慶快長鯨之殲盡江有沱其嘯其歌命召
虎以告成江之滸於疆於理敬陳清酌尚鑒虔忱
維嘉慶十四年歲次己巳庚午月庚申朔越祭日
辛酉

皇帝遣內閣學士兼禮部侍郎陳霞蔚告祭於

江瀆之神曰惟神德著靈長功昭利濟張維東井濫

觴疏九派之源化塹南天縈帶瀉雙流之滙茲以

朕慶符大衍歡洽寰區臻斯清晏之期緬彼朝宗

之象稽五材而臻水府上泝岷峨冠四瀆以妥川
祇永恬渤海庶期鑒格式副懷柔

春秋祭文

維 神功宏潤澤德叶靈長仰并絡之朗曜陰斗
牛以垂芒習坎象而淪漣導源劔外奠坤維而礪
礪分派潯陽鬱積盈川永作三巴之鎮朝宗歸海
應稱百谷之王既福

國以履著更錫祉以無疆仲春秋時屆俎豆是將特昭
誠敬祇格馨香

川主廟 每歲春秋致祭

祭文

維 神世德作求興利除患作壩穿江舟行清晏
灌溉三郡沃野千里膏腴縣洛至今稱美鹽井濟
開蜀用以饒石人鎮立蜀害以消崇德報功

國朝褒封茲值春秋祀禮宜肅恭尚饗

真武廟 每歲春秋致祭

祭文

維 神根源淨樂道契元冥鎮茲坎位濟彼離明

星旗彩煥寶劍輝騰昭回全蜀佑庇蒸民屆茲季
春惟神降靈致詞申禱率屬恭承鴻慈永仰裁
秋禋靡興戶沾德澤城息炎氛金湯鞏固閭里清平
神民共保遐邇胥欽致敬來格來歆

龍神廟 每歲春秋致祭

祭文

維神德洋寰海澤潤羣生允襄水土之平經流
順軌廣濟乾泉之用膏雨及時績奏安瀾占大川
之利涉功資育物欣庶類之蕃昌仰藉神庥

華陽縣志

卷十六

祀典

聖

隆報享遵行祀典式協良辰敬布几筵肅陳牲幣
尙饗

離明祠 每歲春秋致祭

祭文

維神德著離宮光昭午位廣陽亨之運象啟文
明彰變理之能功參化育土以生而水以濟丙丁
之大用常昭府既修而事既和虞姒之九功惟敘
麗茲萬物實賴化成蒸我生民咸資利用仰邀
刑貺虔答鴻庥爰遵祀典之儀式叶春禋之吉肅

陳牲幣敬布几筵

呂真君廟 嘉慶九年奏奉

欽加燮元贊運四字封號各省原有廟宇應令該地方

士民自行供奉每歲春秋仲月諏吉致祭

祭品 用果餌

祭文

維 仙植根仙李托跡曇華點頑石以濟貧燒靈
丹而度世功行超於八極道德契夫三清驅五雷
而災沴全消揮一劍而妖氛迅掃人天欽仰海宇

華陽縣志

卷十六

祀典

望

壬辰補刊

瞻飯新膺

綸綍之封特列春秋之祀坤維錫福井絡降祥崇祠克
配夫青羊勝蹟何殊於黃鶴爰諏月吉用肅寅恭
衆誠上格于九霄大澤頻孚於全蜀尙饗

名宦祠 每歲附春秋仲月上丁日致祭

祭文

卓哉羣公懋修厥職澤被生民功垂社稷茲際仲
春祀典有則肅具精忱永懷明德尙饗

鄉賢祠 每歲附春秋仲月上丁日致祭

祭文

於維羣公毓秀茲邦懿德卓行奕世流芳茲當仲
春秋謹陳裸將伏冀昭鑒潛發幽光尚饗

賢良祠 每歲春秋致祭

祭文

維 靈文武憲邦公忠體國當

皇朝之肇造心膂攸司值

列聖之不承股肱作輔明良合德奮庸而庶績咸熙中外

宣猷敷澤而兆民永賴洵屬廟廊之碩望永宜俎

華陽縣志

卷十六

祀典

四

壬辰補刊

豆以明禋考績紀勲崇報昭垂於令典陳牲奠幣

馨香祇薦於歲時尚饗

潛溪祠 每歲春秋致祭

祭文

維 公秀毓金山芳流浦水幼負神童之目長慕

高蹈之風來徵聘於龍門注起居於溫室陳進德

修業之訓上清心寡欲之言賦詩而酒醉三觴賜

綺而衣裁百歲何遷謫於遲暮竟隕歿於遐荒蓮

華峯下學士魂孤錦水江邊先生靈妥載潔蘋蘩

之薦用申仰止之思尙饗

二賢祠 每歲春秋致祭

祭文

猗維 二公媲美千古號常山之莊士稱定海之名儒史傳鐵面由來直道斯民門啟金川不愧讀書種子焚香而事可告天草詔而血應化碧况乎琴鶴畱蜀郡之蹤衣鉢紹潛溪之學緬芳型其宛在訪遺蹟其未湮允宜典崇名宦作模範於益州禮肅明禋薦苾芬於錦里尙饗

華陽縣志

卷十六

祀典

聖

忠義祠

每歲附春秋仲月上丁日致祭

祭文

維 靈秉賦貞純躬行篤實忠誠奮發貫金石而不渝義蘊宣昭表鄉閭而共式祇事懋彝倫之敘性摯我蒿克恭念天顯之親情殷棣萼模楷咸推夫懿德

綸恩特闡其幽光祠宇惟隆歲時式祀用陳尊簋來格凡筵尙饗

節孝祠

每歲附春秋仲月上丁日致祭

祭文

維 靈純心皓潔令德柔嘉矢志完貞全閨中之
亮節竭誠致敬彰閩內之芳型如冰蘖而彌堅清
操自勵奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊
醪尚饗

社稷壇 雍正十一年奉

旨修建每春秋仲月上戊日致祭

祭品

華陽縣志

卷十六

祀典

哭

羊一 豕一 釧一 籩四 豆四 爵六

簋一 簋二 帛二黑

祭文

維 神奠安九土粒食萬邦分五色以表封圻育
三農而蕃稼穡恭承守土肅展明禋時屆仲春秋敬
修祀典庶九丸松栢鞏磐石以無疆翼翼黍苗佐
倉箱於不匱尚饗

風雲雷雨山川壇 雍正十一年奉

旨修建每春秋仲月上戊日致祭設木主三位中風雲

雷雨左山川右城隍

祭品

羊一 豕一 鉶一 簋二 簋二 棗栗之屬

五 帛七

白色 風雲雷雨 山川六城隍一

爵七

風雲雷雨山 川六城隍一

祭文

維 神贊襄天澤福佑蒼黎佐靈化以流形生成

永賴乘氣機而鼓盪溫肅攸宜磅礴高深允保安

貞之吉憑依鞏固實資捍禦之功幸民俗之殷盈

仰 神明之庇護恭修歲祀正值良辰敬潔豆籩

華陽縣志

卷十六

祀典

七

壬辰補刊

祇陳牲幣尚饗

先農壇 雍正四年奉

旨修設每歲季春月亥日致祭

祭品

羊一 豕一 爵三 登一 鉶二 籩十

豆十 簋二 簋二 帛二

耕藉

耕藉日每年奉文行知屆期主祭官及各官俱穿

朝服至壇行禮祭畢退至壇側各官俱換蟒袍至

藉田所主祭秉耒陪祭執青箱播種用耆老一人
牽牛農夫二人扶犁九推九返農夫終畝耕畢各
官率耆老農夫望

闕行三跪九叩首禮畢而散農具俱用赤色牛黑色
祭文

維 神肇興稼穡粒我蒸民頌思文之德克配彼
天念率育之功陳常時夏茲當東作咸服先疇洪
惟九五之尊歲舉三推之典恭膺守土敢忘勞民
謹奉彝章聿修祀事惟願五風十雨嘉祥常沐於
神庥庶幾九穗雙歧上瑞頻書乎大有尙饗
雩祭 乾隆七年定每歲孟夏行常雩禮不另立壇
卽於先農壇行禮並合祀社稷山川諸神牌位

祭文

某官恭膺

詔命撫育羣黎仰體

彤庭保赤之誠勤農勸稼維茲蔀屋資生之本力稽
服田令甲爰頒肅舉祈年之典惟寅將事用申守
土之忱黍稷惟馨尙冀明昭之受賜來牟率育庶

俾豐裕於蓋藏尙饗

崇祭 乾隆七年定旱歲祭雩祈雨潦則崇祭城門
祈晴

祭文

詔命臨民職司守土惟兆人之攸賴並藉神功冀四
序之常調羣蒙福蔭必使雨暘應候爰占物阜而
民安庶其寒燠咸宜共慶時和而歲稔仰靈樞之
默運聿集嘉祥襄元化以流行俾無災害尙饗

厲壇 每歲春清明秋七月望日冬十月朔日祭先

華陽縣志

卷十六

祀典

祀

壬辰補刊

期一日牒本縣城隍焚告文祭日迎城隍木主於
壇上旁列無祀鬼神位

壇上用豕一具三牲麵食香燭酒左右各二旁用
內麩食湯飯香燭酒設畢正官率僚屬補服詣城
隍前行禮焚告文

城隍司祭文

維 神職司調燮保障拊循謹惡扶善威振澤臻
茲當祭日用肅明禮伏冀歆格默佑斯民尙饗

迎春祭文

附

維 神太皞之佐蒼帝之精木鐸傳音官師相倣
土牛示候稼穡將興敢邀福於有神用保民於卒
歲惟願五風十雨俾時和而年豐庶幾千倉萬箱
悉民安而物阜尙饗

蕭曹祠

每歲附春秋仲月上戊日致祭

祭文

維 神位隆漢相創立科條民有率由吏奉宗祧
茲當仲春秋謹奠酒椒百度惟貞二氣允調尙饗

土地祠

每歲附春秋仲月上戊日致祭

華陽縣志

卷十六

祀典

五

壬辰補刊

祭文

維 神位列五行育物爲德默相治化祠崇署側
茲際仲春秋馨薦黍稷福庇生民恩被動植尙饗

申請崇祀 諸葛武侯詳文 附錄

成都華陽縣爲請

頒諸葛武侯祀典以光前哲事案據成華紳士江岷
葉長春向大溟潘時彤黃廷璧李安璉等呈稱竊
維祠祀之設所以尊崇有功隆禮先賢實興起
化之大端也伏見漢

諸葛武侯才兼文武德合聖賢以澹泊寧靜爲居躬
以開誠布公爲治法精忠大節炳蔚古今六合之
內無不敬仰而當年惠澤尤在全川白叟黃童咸

知愛戴查成都南門外有祠自昔迄明一千四百
餘年祀事馨香蒸嘗罔替明末燬於兵燹康熙初
年前按察使宋可發量度舊址捐俸重修歷年水
旱災傷有禱輒應護

國佑民實有攸藉但黎民私祭典禮未彰仰報

神庥殊有未備伏查山西蒲州

關聖帝君廟及四川梓潼縣

文昌帝君廟均蒙

特賜春秋祭祀現在各直省府廳州縣皆同

聖廟丁祭一體舉行

武侯與

關聖帝君同仕蜀漢忠貞神武大節畧同而且福佑

全川弭災捍患嘉慶七年邪匪滋事

神於沔縣定軍山顯靈驅除賊匪旋即全股就擒曾

沐

聖恩發帑建修祠宇成都古益州地爲

武侯之舊治尤宜竝隆俎豆以示優崇查戴記有云

法施於民則祀之以死勤事則祀之以勞定國則

華陽縣志

卷十六

祀典

五

祀之能禦大災則祀之能捍大患則祀之

武侯功在生民澤遺後世考之祭法允爲符合伏乞

俯順輿情早爲

題請用昭式盧封墓之

鴻恩兼舉崇德報功之

大典以勵忠貞以興教化實爲公便等情據此

卑職

等查

諸葛武侯忠標蜀漢福被西川允宜邀祀典之

頒藉以伸惠澤之報惟查祠宇自康熙初年重修以

來迄今百有餘載雖時加粘補而規模未宏究不足以壯觀瞻而昭誠敬應請籌款捐修毋庸動支帑項茲據該紳士等公同呈請前來理合具文詳請憲臺俯賜察核轉詳

題請頒祀為此備由另文冊申乞照詳施行須至申冊者

嘉慶二十年十一月二十二日奉

成都府葉憲札嘉慶二十年十一月十五日轉奉

布政使司陳憲札嘉慶二十年十月二十四日奉

總督部堂常憲札開嘉慶二十年十月十七日准

華陽縣志 卷十六 祀典 五

禮部咨祠祭司案呈禮科抄出本部題覆四川總督常具題漢

諸葛武侯祠並車騎將軍

張桓侯祠均請列入該處祀典等因二疏俱於嘉慶二十年八月初七日題八月初十日俱奉

旨依議欽此欽遵各抄出到部相應抄錄各原題移咨四川總督遵照辦理可也計粘單一紙內開該臣等議得各省廟祀凡有功德於民能禦大菑捍大患者均得列入祀典以昭崇報今四川成都府漢

臣

諸葛亮祠既據該督疏稱靈蹟素著凡遇水旱災傷
有禱輒應懇請列入該省祀典等語應如該督所
題准其列入該處祀典春秋官爲致祭其致祭銀
兩照例報部核銷至修理祠宇亦應如該督所請
籌款捐辦毋庸動支

帑項恭候

命下臣部行文該督遵照辦理再此本科抄於本年七
月十三日到部合併聲明臣等未敢擅便謹

華陽縣志

卷十六

祀典

五

壬辰補刊

題請

旨等因咨院行司奉此合行札飭爲此仰府官吏查照
來札奉准事理即便轉飭遵照辦理毋違等因奉
此合就札行爲此仰兩縣官吏查照來札奉准事
理即便遵照辦理毋違特札